

23

Die See Custen von Enghelland/ zwischen Pleymuden vnd Porthland.

Si Pleymuden zu segeln binne den stein durch/ so nemet den schlach
von der Inseln auff fünff vadem mit legem wasser/ bis das die
Kirche vom Fischer Dorff/ in der Besicanten des thals stiche/
so laufft ihr binne den stein durch. Hinder der selben Inseln/ vnd
auff dem Lande von Pleymuden, stichet ein maur oder gebaw/ wan
ihr dasselbe würdet in der lengen zu sehen kriegen/ vnd die Kirche
vom Fischerdorff fame am Nördhoecte des thals zu stehen/ so
würdet ihr recht auff dē stein segeln/ da es mit legem wasser nur drey vadem tieff
ist. Man mags hinder der Inseln segen auff zwelf oder dreyzehn vadem. So
man in West Coliford sein will/ soll man Westwärts segeln/ zwischen der Inseln
vnd dem vasten Lande/ bis das gatt von West Coliford offen ist/ segeln fort mitten
wassers zwischen beide lande ein/ bis binne dem Westhoecte/ vnd segens da auff
neun oder zehn vadem. Item wan man von Ramshoefft abekommet vnd im
Catthengatt sein wol/ sol man auff dē hoeck von Pleymuden ansegeln/ bis das Cat-
thengatt offen ist/ vnd lassen den meiste theil wassers an steurbord/ also ein segeln-
de/ bis für beh die Hauen von Pleymuden, vnd segens allda mitten wassers gegen
dem Nördlande/ auff vier oder fünff vadem mit legem wasser. An die Westseite
der Voerd/ vnder der Capen von Ramshoefft bey Nord/ rür am Lande/ mag
mans auch segen auff zehn vadem/ dan es da rein ist.

In Dermuden zu segeln: zeiget sich ein roter hoeck/ an die Ostseite der Hauē/ vnd
auff dē wasser ist ein schwerter hoeck. Im roten hoecke liegt ein grosser weiser stein/
wan der selbe stein kommt über dem schweren hoecke/ so ist man neben der blinden
Clippen/ welche für der Vorrt von Dermuden liegt/ der Ostseiten nahest. Aber wan
ihr die Kaye vom Dorff sehet/ welche an die Ostseite der hauē ist/ haltet dan mitten
wassers in der Voerd oder Hauen/ also das ihr die Kaye raum sehen mügt/ segelt
dan inwards bis binnen die zwey Schlosserchen/ die auff dem orth der Hauen ste-
hen/ so mügt ihr den stein nicht besegeln. Binnen ist es ein weite hauen/ vnd man
mag Westwärts auffweichen/ vnd segens für das Dorff oder den Brauhawse/
wo man woll. Drey meilen von dannen bey Ost: liegt die Reyde von Turbay/ da
man für einen Südwesten wind beschützt liget/ vnd bey Ost Gonster/ sekt mans
auch auff acht oder neun vadem/ vnd ist gut anckergrundt.

Vier meilen bey Nord Turbay liegt die inwijk von Toops/ da man beschützt liegt/
für einen Süden windt/ vnd ist gutt anckergrundt auff sieben oder acht vadem.
Die von beh West kommen/ vnd in Porthland sein wollē/ lauffen bey Porthland
langes auff zweyer Labels lengen/ vnd segeln umb dem hoecke Westwärts auff
für dem Schlos/ da man für einen Süd vnd Süden zum Osten winde beschützt
ligt/ auff sieben oder acht vadem. Bey Nord Porthland liegt ein tydehauenchen/
genennet Weymouth, da man auff vier oder sunff vadē für segen mag. Und wers
segzen wil binnen S. Andreas Land/ muß die Maeldern von Pole schewen/ vnd
segeln fürs Dorff/ da mans auff drey vadē mit ganz legem wasser segen mag.

Beschreibung der See Eischen von Engbessland / zwischen Plymuiden und Portblant / mit irchen fürn hebstien Hauch in eigentlicher figur.



Landbeschreibung der örter zwisshen Pleymuden vnd Porthland.

24



Iß quartier von Pleymuden bisz Porthland ist ein überaus
schöne vnd fruchtbare Gegend/ vnd hat ein die Landschafft
ten Deuenschire vnd Sommersetschire, welche allerlen prouian
zudes leibes noturft (so vil ihnen selbst im Land nötig)
reichlich aufzugeben/ nemlich Getreide/ Kinder/ Schaffe/
vnd dergleichen Viech. Fürnehmlich/ aber Deuenschire an
Schaffen vnd der aller kostlichsten Woll überflüssig/ dan es
da vol fruchbarer Berg ist/ allenthalbe mit gräß vnd schöner weid besest/ auch
voller Brunquellen vnd Fontainen/in/ vnd am Gebürg. Deshalb in diesem
Deuenschire die allerbesten Karschen von ganz Engelland gemacht werden/welche
in überaus grosser mengen/ durch die wilheit der Maister vnd Knecht der Kar-
sen Weber/ herausser gefürt/ vnd nach die Hauptstatt Londē gebracht werden/
von dannen in alle Land Europa, auch in Barbarey, vnd zu den Türcken vnd irehn
Ländern overschiffet. Die Kaufleut oder Tuchandler Teudtschen Landes/
wissen zu sagen von Denschir Karschen/ sezen oder nemē das wort Deuenschir kurz/
vnd sagen Denschir Karschen/ dan diese die besten gehalten werden.

Diese theil oder quartier Deuenschire vnd Sommersetschire seind gar Volkreich/
vnd ligen vil unbemaurte Stät drein. Eß hat auch do vil Adeliche vnd hohen
Standes Personen/nemlich Grauen/ Baronen/ Mitter vnd gemeinen Adel/
zudes Landes dienst in zeit der not / nuz vnd geschick. Welche an diesen örten
(dan sie sehr lustige vnd schöne Gegend haben) vil Adeliche übungen/ vnd täg-
liche kurzweil treiben könne/ haben Herliche iagt/ von Hirzen/ Hinden/ Reh/
auch mancherley klein Wildt. Und gebrauchen gar vil die Falcken iagt/ in son-
derheit zur Sommerzeit/ vnd dergleichen. Die einwohner seind sehr wol gesit-
tet/ der Hohen Obrigkeit zugethan/ vnd ihr nahrung ist (neben dem Ackerbau)
gemeltes tuchmachen.

Ob wol nur ein theil des Landes Sommersetschire sich an diesem quartier erstrecket/ wirkt es dannach do vnder verfaßt/ weil es sich von Deuenschire bisz auff der
Canalen oder Gölßen von Brustou zeucht/ welch Brustou gedenck würdig/ vnd eine der
vornhemste Stät von Engelland ist/ süglich vnd wol an einem Arm des Meers
gelegen. Aber gleichwol ist do der Kauffhandel nit so gar groß/ aufz vsachē das
diese Stät keine Inlandische ablauffende Rinneren oder Ströme hatt/ durch
welchen die wahren vnd Kauffmanschafften können abgefüt / oder zu ander
Stät verzogen werden/ sondern rond vmb im Gebürg liget/ welch mit irehn
gewöhnlichen Wagen vnd Ross/ schwere fürlung machet. Da von wyr im theil
do Londē ein gelegen/ weiter meldung tuhn werden.

Die Sommersetschire ist ein Herzogtum/ hatt aber zu dieser zeit keinen Her-
zog/ sondern ihz lezt Herzog was bestalter Protector Weiland Königs Eduardi,
vnd ein gutte weil in grossen ansehen des Königs/ vnd gunst der Gemeinen/
seiner löblichen vnd fürsichtigen Regirung halben. Aber zuletz hat er ein neue
ordnung erdacht/ welche nach dem sie im Rath angenommen/ seines selbst ei-
genen Tots vsach war.